

վորներում՝ առանձին ակնարկների ձևով: Բանաստեղծի կենսագրության ասումնասիրության համար օժանդակ նշանակություն ունի նրա ապրած ժամանակաշրջանում վրաստանի մշակութային կյանքում հայերի ունեցած մասնակցության հարցի լուսարանում: Այդպիսի փորձ էր

արված Գրականության ինստիտուտի ասպիրանտ Պ. Մուրադյանի գեղուցման մեջ:

Նստաշրջանի արդյունքներն ամփոփեց Գրականության ինստիտուտի գիրեկտոր Գ. Հովհաննիսյանը:

Վ. Գ.

ՄԵԾԱՐՄԱՆ ԵՐԵՆՈ

1961 թ. դեկտեմբերի 27-ին Հայկական ՍՍՏ Գիտությունների ակադեմիայում տեղի ունեցավ երեկո, նվիրված մեր ռեսպուբլիկայի ավագագույն գրականագետներից մեկի՝ Խորեն Սարգսյանի ծննդյան 70 և գիտական գործունեության 40-ամյակին: Հոբելյարին մեծարելու էին եկել գրականագետներ, գրողներ, պատմաբաններ, գիտության այլ բնագավառների ներկայացուցիչներ, ասպիրանտներ և ուսանողներ:

Երեկոն ներածական խոսքով բաց արեց Հայկական ՍՍՏ ԳԱ Գրականության ինստիտուտի գիրեկտոր Գ. Հովհաննիսյանը: Բանասիրական գիտությունների թեկնածու Ա. Ինճիկյանը Գրականության ինստիտուտի գիրեկցիայի և ուղղորդակցի կողմից ջերմորեն շնորհավորելով հոբելյարին, համառոտակի բնութագրեց նրա կյանքի ուղին և գիտական-ստեղծագործական բեղմնավոր գործունեությունը:

Խ. Սարգսյանը երկար տարիներ աշխատել է Գրականության թանգարանում, նախ որպես բաժնի վարիչ, իսկ ապա՝ գիրեկտոր: Նրա ջանքերով հավաքվել ու գիտական մշակման են ենթարկվել հայ դասական գրողների րազմաթիվ ձեռագրեր: Հայկական ՍՍՏ ԳԱ ստեղծման օրից Խ. Սարգսյանն աշխատանք է անցնում Գրականության ինստիտուտում, որի գիրեկտորն է եղել 1943—47 թվականներին: Այժմ նա նույն ինստիտուտի հայ հին գրականության սեկտորի վարիչն է: Նրա բեղմնավոր գրչին են պատկանում մի քանի տասնյակ ուսումնասիրություններ: Հատկապես հետաքրքիր ու արժեքավոր են Մ. Նալբանդյանին, Ղ. Աղայանին, Վ. Տերյանին, Ստ. Զորյանին, Ա. Բակունցին, Մ. Աբելյանին նվիրված հետազոտությունները:

Խ. Սարգսյանը աչքի բնկնող աշխատանք է կատարել տեքստաբանության բնագավառում: Նա է նախապատրաստել և իրականացրել Պ. Պոռչյանի, Ղ. Աղայանի երկերի ու անտիպ նամակների առաջին գիտական հրատարակությունը, ինչպես նաև Մ. Նալբանդյանի ստեղծագործությունների երկհատորյակը՝ ռուսերեն:

Մեծարման երեկոյին վաստակավոր հոբելյարին ջերմորեն ողջունեցին՝ Հայկական ՍՍՏ ԳԱ Նախագահության անունից՝ Ա. Կարինյանը, Հայաստանի Սովետական գրողների միության վարչության կողմից՝ Հր. Թամրասյանը, Լեզվի ինստիտուտից՝ Ե. Տեր-Մինասյանը, Արվեստի ինստիտուտից՝ Մ. Մուրադյանը: Ողջույններ հաղորդվեցին նաև Մատենադարանի, Պատմության ինստիտուտի, Ակադեմիայի Հրատարակչության, Երևանի Պետական համալսարանի բանասիրական ֆակուլտետի, Հեռակա մանկավարժական ինստիտուտի, Գրականության և արվեստի թանգարանի, Հնագիտության և ազգագրության ինստիտուտի կոլեկտիվների, Քաղաքական և գիտական գիտելիքների տարածման ընկերության վարչության, Գրականության ինստիտուտի սովետահայ, հայ հին և նոր գրականության սեկտորների կողմից: Բանաստեղծ Հ. Սահյանը կարգաց հոբելյարին նվիրված իր ստեղծագործությունը:

Երեկոյին հրապարակվեց Հայկական ՍՍՏ Գերագույն Սովետի Նախագահության հրամանագիրը Խ. Սարգսյանին գիտության վաստակավոր գործչի կոչում շնորհելու մասին:

Վերջում շնորհակալական խոսքով հանդես եկավ հոբելյարը:

Ա. Գ.